

潘陽縣志

瀋陽縣志卷之十五

藝文

碑記

奏疏

附呈

序文

詩歌

明倫家賦科錄

朝延設官學以選取生員者其名號曰鄉院試院試生員也其官署之名號曰學政司學政司者督學巡按御史之用督學者掌督視各屬下立人學政有致送過列於後
一作昌黎父母發智孝子當受教父母愚孝或有其名孝子張誠善明理善事祖母

希文

希文

希文

希文

希文

希文

希文

希文

希文

瀋陽縣志卷之十五

藝文

立言不朽載道之興經經緯史庶幾魁儒懿鑠清都渾噩鴻雅端實銜華代有作者文采風流於今爲烈其或著述藏諸名山不爲甄輯將曷以傳述藝文

碑記

御製明倫堂臥碑條約

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後

一生員立家父母賢智者子當受教父母愚魯或有非爲者子旣讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互相講究凡利國愛民之事更宜

留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天之知必加以福

一生員當愛身忍性凡有司官衙門不可輕入卽有切已之事止許家人代告不許矛盾他

人詞訟他人亦不許牽連生員作証

一爲學當尊敬先生若講說皆須誠心聽受如有未明從容再問勿妄行辨難爲師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一 生 員 不 許 紳 黨 多 人 立 盟 結 社 把 持 官 府 武 斷 鄉 曲 所 行 文 字 不 許 妄 行 刻 違 者 聽 提
調 官 治 罪

大 清 乾 隆 三 年 歲 次 戊 午 夏 四 月 上 浃 穀 旦

御 製 漢 河 神 廟 碑 文

潭 河 神 廟 者 乾 隆 四 十 三 年 勅 有 司 之 新 崇 建 也 英 峨 北 繞 納 魯 西 流 繁 廻 千 里 之 遙 演 迤
二 陵 之 側 長 源 作 帶 梁 河 異 派 以 同 瀾 靈 脈 扶 輿 漢 泽 汇 趟 而 赴 銮 抱 龍 興 之 初 地 衆 水 雲
從 翳 凤 舞 之 陪 都 怖 波 鏡 淨 潟 昔 造 邦 捷 伐 濱 河 則 諸 部 先 除 泊 夫 作 邑 經 營 乘 溜 則 羣 材
勝 用 入 夜 而 聯 魚 陳 爰 申 巴 勒 達 之 誅 征 明 而 渡 龍 傷 遂 奏 濬 阳 城 之 捷 肱 展 巡 邧 七 敬 謁
橋 山 緬 詒 燕 於 宗 功 默 欽 有 相 飭 升 馨 於 踠 路 乃 詔 司 空 廉 工 象 闕 之 東 翩 翦 鵬 霄 之 上 百
泉 媚 美 胥 原 之 流 澤 孔 長 兩 載 落 成 卜 潤 之 垂 床 有 裕 鑄 之 翠 琛 煥 以 丹 紗 由 地 中 行 益 翩

諸萬萬禩如川方至用弼我不不基

御賜禮部尙書晉贈太子太保謚勤直昇寅碑文

朕惟宵雅賦皇華之什勞獎駢征曲臺詳公館之文愴深驛使靖共載眷軫彌殷式勒貞
珉用光吉壤爾晉贈太子太保銜任禮部尙書昇寅青衿績學白璧東躬初登拔萃之科職
分儀部繼與賢能之選記列名經俄轉級於錦帷旋升華於鐵柱盼花磚而入直禁漏趨先
擬珠樹而多輝宮端擢貳揩遷左御猶稽列舍之生徒憲副南司遂掌陪京之禮樂總干城
於威遠邊月秋高籌磐石於移居天潢族聚早荷先朝之寵稔知令望之孚八旗之統制疊
司一代之秘文總校連開虎帳載駛鷹旛晉司憲而著風裁命考工而權水正華翎賚錫光
耀朱纓沃巒廻翔恩承紫禁筵趨講幄聆義蘊於詩書簡授征輶較戎行於充豫時以儀嫋
掌故俾領容臺事切諭諮更馳遠檄曾封章之入告遘疾陳情已休沐之俯愈還朝有日何

乃淪徂忽報倚注空勞夙傳清介之聲竟失老成之望輶車安護靈銜命以來歸儲帛優頒
典節終而備荷宜宮銜之晉錫并例議之全銷旌厥賢能謚爲勤直於戲萬里之輶軒不返
虎節含悽九霄之雨露頻加螭文賁寵永垂豐碣勿替後昆

道光十六年三月二十七日建

御賜大學士晉贈太傅謚文忠文祥碑文

朕惟亮工熙績謨明資弼直之材論道經邦密勿重樞機之任念成勞於元老鼎鼐攸司繙
顧德於阿衡典型忽謝蓋相業永孚乎一德斯恩榮遠照乎千秋允勒貞珉用光偉烈爾原
任大學士贈太傅文祥忠勤秉性蹇諤匪躬始簪郎署之毫旋歷臺垣之職正鈞衡於六屬
宏建嘉謨綜樞要於一心洞嫻方略昔者瀋陽不靖虜騎潛窺命總師干欽承廟算奮擊則
狼烽迅掃窮搜而馬迹全空畿輔因之父安耕市於焉不變克敵致果紓尤皇宵旰之心說

禮敦詩飭儒將雍容之度時諸羌欵服互市駢闐勤襄柔遠之謨密畫綏邊之策胸羅武庫
西夏聞而膽寒手草尺書贊普爲之氣讐約劑特重於九鼎蕃情遠帖乎重洋驚李晏爲天
人憚王商爲漢相凡此艱難之宏濟悉由篤棐之盡臣至若宿衛典軍經帷儻直既歷持乎
文柄亦淹貫乎史裁掌制鸞坡屢頒堂饌乘輿鼈禁獨冠班聯接恩禮於三朝瞻懷舊德任
總師於百揆旁作迅衡逮藐躬繼序之年正老成顧問之日書思溫室鑒三十載之勤勞絕
席綸扉作百僚之師長賚予良弼祝爾遐齡方期賜杖於朝端詎意撤琴於私第追維成績
克副易名蘇軾爲奎宿後身經猷不煥歐陽是洛中耆舊德望同尊謚曰文忠奚慙曩誥於
戲小心翼翼爾惟日贊乎萬幾黃髮皤皤天不憖遺乎一老爰宣綸綺式表堂防昭示來茲
敬承勿替

前提學使張公紀念碑文

孟錫珏 玉雙

維光緒三十有四年秋九月奉天提學使張公以疾卒於位奉之人士悲傷忉怛若失所依哭弔者接踵比喪車南返不期而會送者充塞達衢旣復設位遙祭致敬致哀省垣紳衿學子數千人咸蒞焉嗚呼公官吾奉僅二稔奉之人士非有私於公廼其旣歿而繫人慕思固結深摯至於斯極母亦公於吾奉實有使人不能忘者在耶今距公卒已數月而追念遺澤慕思益永且兢兢焉咸以前微失墜是懼然則紀述事實以誌不忘固吾人之同情而事之不容緩者匪特稱述功德仰止景行已也公諱鶴齡字筱圃江蘇陽湖人光緒壬辰以進士用庶常散館改農曹京師設大學公主教務經師學子咸所宗仰嗣改道員官湖南聲譽益翔起當道賢者皆引以爲重今川督趙公督奉時特疏調焉朝廷方以陪都重要外逼兩强悍患將來作人爲急光緒三十二年秋遂由湘臬簡授公奉天提學使當是時奉省甫離戰禍外軍羼處四民蕩析流離生聚未遑奚言教育矧風尙朴樸鄉曲迂淺之士見有創設更

張動生扞格又復物力彫殘食貨踊貴官府編戶皆無餘力以資取求且學校肇興教材極
尠延攬良師既不數覩從事儲養尙需歲時益以所有措施悉屬草創困阻紛乘尤非可以
更僕數公下車聿始持節財絀困漸進務實之旨權度緩急剖晰利弊既詳既審矢以必行
兩年以來首掣全省教育綱領立教育總會於省垣設勸學所於各屬公舉正紳分派學董
肇人民自治之權輿增士紳任事之能力其有才品邁衆者必破格優遇假以事權俾輔官
力所不逮振拔士氣提倡學風得力寔始於此籌辦各項學堂自中等以上以逮蒙養女子
師範保姆傳習兼及方言憲政教育練習莫不完備而尤注重於小學小學者國民之基礎
教育之本圖也吾奉村屯寥落偏僻之區往往官紳併力籌備不能成一校迺頒籌辦鄉學
及學董辦事簡章設各路模範小學改良私塾嚴甄教師而各屬小學校遂有日增月盛之
勢學欵爲學務所憑藉多一虛糜卽少一寔用公爲之整頓釐剔定庶務會計及領款銷款

章程析至絲毫必嚴必謹因鄉學歟由畝捐散漫難稽擬用聯票之法嚴核出納又嘗持警
學合辦之議以免各用士紳糜款廢事所籌雖未寔施而綜核之精卒無以易其儲備師範
也初設各屬傳習所以應急需嗣以時促詣淺甚或自爲風氣迺擬統一之策俾全省教育
同出一軌而事艱費鉅議而未行特擴充兩級師範加額增課用廣師資兼備高等教材之
選復慮各校教科疎陋規則凌亂乃爲之核定課本預立表式增授經學國文功課並定各
校管理章程勸諭員司學生共守秩序謳誦訓誨感人至深更立小學總查所派各屬視學
員考查各校衡其功過明示勸懲以杜辦學欺飾之弊用是士紳囂凌學風整飭人知自奮
罔敢怠荒至若設圖書館廣摻羣籍餉遺多士莘莘學子藉獲探討今昔免於猥淺鄙陋之
譏斯尤空前之盛舉而吾奉學者之至幸也公性沈毅與人謙退相見以誠而督責職事弗
少寬假綜理庶事至勤至敏從容淡定若任自然手定章程規則煩瑣精嚴務當事理至其

嘉言懿行可爲典則者益不可殫述自公蒞茲任艱苦經營弗厭弗倦而吾奉學務遂視兩
年前判若霄壤學校增數千學子增數萬其所興舉或且先於內省談教育者莫不驚吾奉
迭經兵燹糜爛之地進步竟若是之速豈知皆公之精神心力所貫注而良法美意尙有未
盡推行者耶嗚呼吾奉今日需治至急措理至艱凡百設施胥賴賢者以爲繩造以公抱負
宏偉於政治理財交涉諸大端悉得體要數歷京外十餘年所至有建樹使獲大用出其學
問經濟以施於一切政治則功烈所垂必更有大者遠者而吾奉受賜將不止學務之一端
是吾人所拳拳服膺以爲不可及者尙不足以概公之本末雖然教育者立國之基而吾人
職事之所屬也吾奉非公無以有今日吾人舍學務亦無以知公公旣以振興學校大有造
於吾奉舉凡已成之績與未竟之志皆有必不可沒而當引爲已責者且吾人皆奉人也用
奉人辦奉學又公所主持提倡不遺餘力者也公逝矣吾人方哀感慕思之不置然能如公

之孜孜懇懃殫誠竭智謀公益而忘其私者有幾人耶夫不朽之業無待表章贊頌之文奚裨後世今日者當念前賢創造之艱知來日負荷之重懸之心目是法是師俾公兩載留遺永勿失墜且有以繼續而光大之並使後之人觀感而興起焉斯公在天之靈所欣慰抑亦吾人紀述事寔之志也

宣統元年 月 日奉天教育會敬立

文溯閣記

清高宗純廟

輯四庫之書分四處以庋之方以類聚數以偶成文淵文源文津三閣之記早成則此文溯閣之記亦不可再緩因爲之辭曰權輿二典之贊堯舜也一則曰文思一則曰文明蓋思乃蘊於中明乃發於外而胥藉文以顯文者理也文之所在天理存焉文不在斯乎孔子所以繼堯舜之心傳也世無文天理泯而不成其爲世夫豈鉛槧簡編云乎哉然固不離乎鉛槧

簡編以化世此四庫之輯所由亟亟也茲則首部告成綱紀已定與之暇以究其核督之勤以防其忽乙夜幾暇亦亹披覽怪辟側艷滌濯剗礪犁然理明衷然文顯所餘三部唯鈔胥之事然而亥亥陶陰猶不可不讐校也四閣之名皆冠以文而若淵若源若津若溯皆從水以立義者蓋取范氏天一閣之爲亦既見於前記矣若夫海淵也衆水各有源而同歸於海似海爲其尾而非源不知尾閭何洩則仍運而爲源原始反終大易所以示其端也津則窮源之徑而溯之是則溯也津也實亦迨源之淵也水之體用如是文之體用顧獨不如是乎恰於盛京而名此名更有合周詩所謂溯源求本之義而予不忘

祖宗創業之艱示子孫守文之模意在斯乎意在斯乎

重修奉天府學宮記

康熙己丑

廖騰煃

王化非聖道不行聖道非王化不久王化治則孔子之道益尊聖道尊則王者之化大啟故

建學明倫所以崇道統正人心而廣治化於無窮者也粵稽奉天自太祖高皇帝神武建基
太宗文皇帝式廓隆業創興學校世祖章皇帝統一區夏文命誕敷今皇上天縱聖神德威
翔洽無遠弗屆仁義漸摩無思不服編戶之子釋耒橫經羽林之士投戈講藝詩書禮樂之
盛四方郡國皆然矧奉天爲發祥首善之地設學以來雖規制漸增而二十餘年未遑修葺
其何以仰副我皇上崇文重道之至意顧念遼左沃野千里生聚日滋騰煃以謫劣材承乏
京兆亦惟是勞來拊循之不暇其又何忍以茲役重煩我父老子弟爲爰捐俸入不足謀之
同事諸鉅公不足謀之諸長吏謀之諸紳士僉樂相予志遂鳩工庀材自聖殿而啟聖祠而
兩廡而廟門而明倫堂胥巍然煥然此皆昔圯而今修者也殿以外繚垣奕奕廟以前戟門
峨峨又皆昔無而今有者也經始於康熙四十八年七月十三日落成於康熙四十九年閏
七月初十日計工五千三百有奇計費一千一百二十兩有奇役成而遊聖人之門者共知

道之大將伯之助其可泯歟夫明政刑正風俗者天子之化也謹庠序飭倫紀者孔子之教也今學校之振興若此滿漢士子服習其中優游德教人文蔚起不將與鎬京鐘鼓並美千古而不朽哉謹彙襄事諸賢鐫之於石碑後有可攷因并記之以詔學者

奉天府學兩廡記

康熙壬戌

高爾位

國家以人才爲本而人才以教化爲先自古培植人才靡不以學校爲亟亟况龍興發祥之地將相名臣先後蔚起則宮牆俎豆之規有司又安敢不加之意哉位自順治丁亥叨列仕籍歷躋京尹膺豐沛之重任思廣植戶口以培元氣凡無藝之征侵漁之弊以次釐剔夙夜兢兢與諸僚屬飲冰茹荼庶幾杜苞苴而絕耗羨仰報皇上加惠元元至意恭惟我太祖高皇帝以武功肇基遼左逮太宗文皇帝繼承鴻業建修文廟世祖章皇帝撫御區夏以瀋陽爲盛京設京兆立州縣置師儒於時從龍碩彥彬彬濟濟我皇上臨雍講學尊禮先師可稱